

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2021

KAEDI YA GO TSHWAYA

MADUO: 100

Kaedi e ya go tshwaya e na le ditsebe di le 15.

ELA TLHOKO:

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAANKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlthomo, baamogedi le bokao 30 MADUO	Maemo a a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tthamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlthelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		25–27 -Tsibogelo e e manontlhotlho, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tthamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhelgelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siama gotlthelele -Ipaakanyo e e sa tsepamang e bile e tlhakatlhakane

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (tseweditse)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a a kwa godimo	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlaolegile -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tlamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tshagisa bokao -Segalo se maleba -Tiriso ya malepa a a tlhotlheletsang ya go tshagisa diteng	5–6 -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditse thata	0–3 -Puo ga e tshaloganyeseg -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go tshaloganya
	Maemo a a kwa tlase	13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tlamilwe ka manontlhotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlamilwe bontle	7 -Tiriso ya puo e e mo magareng, ka go tshoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota	
KAGEGO Diponagalo tsa sethangwa Kago ya ditemana le go tshangwa ga dipolelo 5 MADUO		5 -Kago e e manontlhotlho ya setlhogo -Dintlhana tse di tlaolegile -Dipolelo le ditemana di bopilwe bontlentle	4 -Kago e e latelanang ya dintlhana -Lomagane -Dipolelo le ditemana di a latelana, di a farologana	3 -Kago ya dintlhana tse di maleba -Dipolelo le ditemana tse di bopilweng sentle -Tlhamo e sa ntse e na le tshaloganyo	2 -Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tshaloganyo	0–1 -Dintlha tse di botlhokwa di a tshaela -Dipolelo le ditemana di fosagetse -Tlhamo e tshoka tshaloganyo

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlahelelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeleletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa -Ga e a tsepama ka gotlhe, go na le go eta e fapoga mo setlhogong -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto MADUO 12	10–12 -Segalo, rejisetara, setaele le tlotlofoko tse di lolameng thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lolameng thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	25–30	19–23	14–17	9–12	0–7

RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA KAROLO YA C
[20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso MADUO 12	10–12 -Tsibogelo ya maemo a a kwa godimo go gaisa se se lebeleletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	8–9 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	6–7 -Tsibogelo e e lekaneng e e bontshang kitso ya diponagalo tsa mofuta wa setlhangwa - Go na le tsepamo e e rileng, go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	4–5 -Tsibogelo e e kwa tlase e e supang kitso ya diponagalo tsa mofuta wa setlhangwa - Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlofisiwa matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegile ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/ RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 08	7–8 -Segalo, rejisetara, setaele le tlotlofoko tse di maleba thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	5–6 -Segalo, rejisetara, setaele le tlotlofoko tse di maleba thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	4 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–2 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	17–20	13–15	10–11	7–8	0–5

GO KWALA LE GO TLHAGISA**KAROLO YA A: TLHAMO: MADUO – 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Botlhokwa jwa morutabana mo setšhabeng.	Tlhaloso
1.2	Go timela ga bana ke tlhobaboroko e kgolo mo motseng wa rona.	Tlhaloso
1.3	Letsatsi le ke neng ka kopana le tsala ya me, morago ga go falola materiki.	Kanelo
1.4	A go siame gore basetsana ba dumelelwe go dirisa dithibelapelegi kwa ntle ga kitso ya batsadi. Dumela kgotsa ganela.	Ngangisano
1.5	Fa nka nna mokhuduthamaga wa thuto ...	Maitlomo
1.6	Mathata le molemo wa go nna lepodisi mo nageng ya Aforikaborwa.	E e sa tseyeng letlhakore
1.7.1–1.7.2	Lebelela ditshwantsho tse di latelang, mme o tlopho se le sengwe go kwala tlhamo.	Kanelo/Tlhaloso/E e sa tseyeng letlhakore/Ngangisano/Maitlomo

KAROLO YA B: DITLHANGWA TSE DILEELE TSA TIRISANO: MADUO – 30

DINOMORO TSA DIPOTSO	MOFUTA WA SETLHANGWA
2.1	Lekwalo la botsalano
2.2	Mmuaisano
2.3	Tsa botshelo jwa moswi
2.4	Thadiso ya filimi

KAROLO YA C: DITLHANGWA TSE DIKHUTSHWANE TSA TIRISANO: MADUO – 20

DINOMORO TSA DIPOTSO	MOFUTA WA SETLHANGWA
3.1	Buka ya sefatlhego
3.2	Phasalatso
3.3	Ditaelo/Dikaelo

PALOGOTLHE YA TLHATLHOBO: 100

KAROLO YA A: TLHAMO**MEFUTA YA DITLHAMO****1.1 TLHAMO YA TLHALOSO**

Mokwadi mo tlamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

SETLHOGO	DINTLHA TSE DI SOLOFETSWENG
Botlhokwa jwa morutabana mo setšhabeng.	• Motlhatlhojwa a re tlhalosetse ka tiro e morutabana a e dirang. • Motlhatlhojwa a tlhagise dithuso tsa morutabana mo setšhabeng. • Motlhatlhojwa a tlhagise thotloetso e morutabana a e neelang batho. • Motlhatlhojwa a tlhagise se a se lemogileng ka morutabana le setšhaba.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo ka setlhogo se.

[50]**1.2 TLHAMO YA TLHALOSO**

Mokwadi mo tlamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

SETLHOGO	DINTLHA TSE DI SOLOFETSWENG
Go timela ga bana ke tlhobaboroko e kgolo mo motseng wa rona.	• Motlhatlhojwa a ka tlhalosa gore ke bana ba dingwaga dife ba ba timelang. • Motlhatlhojwa a ka tlhagisa mabaka a a dirang gore bana ba timele. • Motlhatlhojwa a ka tlhagisa diphetogo tse di ka tokafatsang tshireletsego ya bana. • Motlhatlhojwa a tlhagise gore setšhaba se ka thusa jang. • Motlhatlhojwa a tlhagise gore puso e ka thusa jang.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo ka setlhogo se.

[50]

1.3 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

SETLHOGO	DINTLHA TSE DI SOLOFETSWENG
Letsatsi le ke neng ka kopana le tsala ya me morago ga go falola materiki.	• Motlhatlhojwa a ka bua ka ngwaga, lefelo le letlha le a kopaneng le tsala ya gagwe ka lona. • Motlhatlhojwa a ka bua ka se se tlhodileng go kopana ga gagwe le tsala. • Motlhatlhojwa a ka bua ka se se mo itumedisitseng fa a kopana le tsala ya gagwe. • Motlhatlhojwa a ka bua gore o tla netefatsa jang gore botsalano jo, bo se fele. • Motlhatlhojwa o tla bua ka se a se ungwileng go tswa mo tsaleng ya gagwe.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.4 TLHAMO YA NGANGISANO

Mo tlhamong e, motlhatlhojwa o tlhagisa kakanyo, ntlhakemo, mme a nganga ka maitlhamo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

SETLHOGO	DINTLHA TSE DI SOLOFETSWENG
Motlhatlhojwa a dumele kana a ganetse setlhogo se se reng basetsana ba dumelelwe go dirisa dithibelapelegi kwa ntle ga kitso ya batsadi.	• Motlhatlhojwa a ka simolola ka go tthalosa mefuta ya ngangisano. • Motlhatlhojwa a tthagise gore a o dumalana le setlhogo kgotsa nnyaya. • A tthagise dintlha tse di tlhotlheleditseng ntlhakemo ya gagwe. • Motlhatlhojwa a ka bua ka mosola wa dithibelapelegi. • Motlhatlhojwa a ka bua ka mafelo a dithibelapelegi di ka bonwang mo go ona. • Motlhatlhojwa a ka bua ka bothata bo basetsana ba ka nnang le bona fa ba dirisa dithibelapelegi kwa ntle ga kitso ya batsadi.

Kaedi ya go tshwaya: Tlhamo ya ngangisano

- Motlhatlhojwa a simolole ka go tthagisa ntlhakemo ya gagwe go bontsha boitshimolole.
- A neye mefufufuta ya dingangisano go tshegetsa ntlhakemo ya gagwe, mme a tthalose se.
- Tlhamo e, e tthagisa letlhakore le le lengwe, mme dikakanyo di tthagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tlhologanyegang, mme e pateletse mmuisi go dumalana le se se tthagisitsweng. Tlhamo ya mofuta o, e kwalwe ka pakajaanong.

[50]

1.5 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tthagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

SETLHOGO	DINTLHA TSE DI SOLOFETSWENG
Fa nka nna mokhuduthamaga wa thuto ...	• Motlhatlhojwa a ka tthalosa ka tiro ya mokhuduthamaga wa thuto. • A tthagise gore ke eng se a ka se dirang fa a ka nna mokhuduthamaga wa thuto. • Mabaka a a dirang gore a eletse go nna mokhuduthamaga wa thuto a tlhagelele sentle. • A ka tthagisa dikgwetlho tse di leng teng mo dikolong. • A ka tthagisa gore diphetogo tse a tlileng go tla ka tsona, di ka tokafatsa maemo a thuto le go thusa batho jang.

Kaedi ya go tshwaya: Tlhamo ya maitlhamo

- Tlhamo ya maitlhamo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]**1.6 TLHAMO E E SA TSEYENG LETLHAKORE**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano, matlhakore a lekalekane.

SETLHOGO	DINTLHA TSE DI SOLOFETSWENG
Mathata le molemo wa go nna lepodisi mo nageng ya Aforikaborwa.	• Motlhatlhojwa a re tlhalosetse ka mosola wa go nna lepodisi. • A tlhagise mabaka a a tlhotlheletsang batho go nna mapodisi. • A tlhagise mathata a mapodisi a kopanang nao. • A tlhagise maitemogelo a gagwe ka bopodisi. • Motlhatlhojwa a ka khutlisa ka go rotloetsa batho go tsenela bopodisi.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha tse di lekalekanang.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]

- 1.7 1.7.1- Tlhamo ya kanelo/maitlhamo/e e sa tseyeng letlhakore/
1.7.2 ngangisano/tlhaloso.

[50]**PALOGOTLHE YA KAROLO YA C: 50**

**KAROLO YA B: DITLHANGWA TSE DILEELE TSA TIRISANO GA MMOGO LE
DITLHANGWA TSE DI DIRISANG MEKGWA E E
FAROLOGANENG YA TLHAELETSANO**

2.1 LEKWALO LA BOTSALANO

Lekwalo la mofuta o, ke lekwalo le o tseelang mongwe kgang/motlotlo, go mo leboga, akgola, go mo tsibosa kgotsa go mo eleletsa masego.

LEKWALO LA BOTSALANO	DINTLHA TSE DI SOLOFETSWENG
Motlhatlhojwa a kwalele batsadi lekwalo a ba itsise ka moithuti yo o mo kgerisang letsatsi le letsatsi kwa sekolong.	• Motlhatlhojwa a tthalose mabaka a a mo pateleditseng go kwala lekwalo le. • Motlhatlhojwa a tthagise tshimologo ya go kgerisiwa. • A tthagise maikutlo a kutlobotlhoko ya go kgerisiwa. • Motlhatlhojwa a tthagise ditiragalo tse di bontshang go kgerisiwa. • A khutlise ka go kopa batsadi go tsaya dikgato tse di maleba.

Kaedi ya go tshwaya: Lekwalo la botsalano

- Motlhatlhojwa a kwale aterese le letlha ka botlalo.
- Ditumediso di supe botsalano.
- Matseno a nne maleba le setlhogo.
- Diteng di bontshe go akgola le go leboga.
- Bokhutlo e nne jo bo kgodisang.
- Motlhatlhojwa kwa bofelong a ka tthagisa mafoko a a latelang:
(Ke nna, Weno, Morwao kana Morwadio).
- Motlhatlhojwa a tthagise leina la gagwe kwa ntle ga sefane.

[30]

2.2 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba aroganya dikakanyo kgotsa ba buisana ka setlhogo sengwe se se rileng. Sebopego sa yona ke sa dipotsotherisano fela ona o dirwa gongwe le gongwe ke mongwe le mongwe.

MMUISANO	DINTLHA TSE DI SOLOFETSWENG
Motlhatlhojwa a kwale mmuisano o a neng a o tshwere le tsala ya gagwe ka emeile e e ba itsiseng fa ba dumeletswe go ithuta kwa yunibesithing ya Tshwane mo ngwageng o o tlang.	• Motlhatlhojwa a tthagise matseno a a ngokang mo mmuisanong. • A tthagise gore o amogetse emeile leng. • Motlhatlhojwa a tthagise maikutlo a gagwe ka emeile e a e amogetseng. • Motlhatlhojwa a tthagise gore o ya go dira dithuto dife kwa yunibesithing. • A bontshe ka moo a khutlisang mmuisano wa gagwe ka teng.

Kaedi ya go tshwaya: Mmuisanano

- Motlhatlhojwa a kwale ka mokgwa o moterama a kwalang ka ona.
- Dibui di nne pedi.
- Motlhatlhojwa a kwale setlhogo se go buisanwang ka ga sona.
- Dipolelo di nne dikhutshwane.
- Diteng tsa motlhatlhojwa di supe boithlamedi, kelelo ya dintlha le go tsamaelana ga ditiragalo.
- Maina a dibui a tshwanetse go tlhagelela sentle.
- Motlhatlhojwa a dirise matseno, mmele le bokhutlo sentle.
- Kgang ya motlhatlhojwa e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Motlhatlhojwa a dirise puo e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

[30]**2.3 TSA BOTSHELO JWA MOSWI**

Ke tshedimosetso e e tlhagisitsweng ka botlalo fela e le khutshwane, ka ga botshelo jwa yo o tlhokafetseng.

TSA BOTSHELO JWA MOSWI	DINTLHA TSE DI SOLOFETSWENG
Motlhatlhojwa a thuse ba lelapa ka go kwala tsa botshelo jwa moswi malomaagwe yo o tlhokafetseng morago ga bolwetse jo bokhutshwane.	• Motlhatlhojwa a latele sebopego sa go tlhagisa setlhangwa se ka tlhomamo. • Motlhatlhojwa a tlhagise gore loso lwa ga malome le bakilwe ke eng. • A dirise puo e e bonolo e bile e tlhaloganyega. • Motlhatlhojwa a ka kwala leboko la kwa gaabo malome kwa bofelong.

Kaedi ya go tshwaya: Tsa botshelo jwa moswi

- Motlhatlhojwa a tlhagise tshedimosetso ka dintlha tse di latelang:
Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo jj.
- Motlhatlhojwa a neelane ka tshedimosetso ka botlalo, fela e nne e e maleba.

[30]

2.4 THADISO YA FILIMI

E tshalosa dintlha tsa setlhangwa kgotsa tlhagiso jaaka modiragatsimogolo, ditiragalokgolo le diponagalo tse di tsamaisanang le setaele.

THADISO YA FILIMI	DINTLHA TSE DI SOLOFETSWENG
Motlhatlhojwa a kwale thadiso ka filimi e e mo itumedisitseng.	• Motlhatlhojwa a latele sebopego sa go tlhagisa setlhangwa se ka tlhomamo. • Motlhatlhojwa a tlhagise setlhogo sa filimi le leina la motlhagisi. • A tlhagise gore filimi e ka lebelelwa ke bomang. • A tlhagise maina a badiragatsi. • A kwale ka ditiragalo tse di mo kgathileng go tswa mo filiming le se a se ithutileng.

Kaedi ya go tshwaya: Thadiso ya Filimi

- Motlhatlhojwa a kwale ka pakapheti/pakajaanong.
- Motlhatlhojwa a tlhagise leina la motlhagisi wa filimi.
- Motlhatlhojwa a tlhagise tshedimosetso ka dintlha tse di latelang:
 - ditiragalokgolo
 - badiragatsi, modiragatsimogolo le morero kana thitokgang.
- A dirise puo e e bonolo e bile e tlhaloganyega.

[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**3.1 BUKA YA SEFATLHEGO**

Ke mokgwa wa tlhaeletsano o o diriwang ka mafaratlhatlha jaaka mogala wa letheke kgotsa khomputara.

BUKA YA SEFATLHEGO	DINTLHA TSE DI SOLOFETSWENG
Motlhatlhojwa a tlhagise molaetsa mo bukeng ya sefatlhego ka ga loeto le a neng a letsere.	• Motlhatlhojwa a kwale ka loeto le a le tsereng ka sefofane. • A ka tlhalosa gore loeto le ne le le ka ga eng. • A ka tlhagisa leina la motho yo a tlotlang le ena. • Motlhatlhojwa a ntshe maikutlo le maitemogelo a gagwe ka go pagama sefofane. • A ka bua ka ga maitemogelo a gagwe ka ga lefelo le a neng a le etetse.

Kaedi ya go tshwaya: Buka ya sefatlhego

- Molaetsa e nne wa botsalano e bile o nne mokhutshwane.
- A tlhagise dintlha tsa botlhokwa le tse di maleba.
- Letlha le lefelo di tlhagisiwe.
- Puo e e dirisiwang e nne bonolo, e bile e ikaege ka botsalano jwa mokwadi le moamogedi.

[20]**3.2 PHASALATSO**

Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona.

Mophasalatsi a ka dirisa dikuranta, dimakasine, seyalemowa le thelebišene go lemosa babuisi ka ga kgwebo.

PHASALATSO	DINTLHA TSE DI SOLOFETSWENG
Motlhatlhojwa a thale phasalatso e e buang ka ga thekiso ya ditlhako.	• Motlhatlhojwa a kwale lefelo le ditlhako di tla rekiwang kwa go lona. Aterese le dinomoro tsa mogala di tlhagisiwe. • Motlhatlhojwa a tlhagise le go dirisa ditogamaano tsa phasalatso a lebisitse mo mefuteng e e farologaneng ya batho. • Motlhatlhojwa a tlhagise kgatlhego le go dira gore phasalatso ya gagwe e ngoke. • Phasalatso e nne maleba le thekiso ya ditlhako.

Kaedi ya go tshwaya: Phasalatso

- Letshwao la kgwebo le tlhagisiwe sentle.
- Bareki kgotsa badirisi ba ba totilweng.
- Nako ya ditirelo e tlhagisiwe sentle.
- Puo e ngoke babuisi.
- Tshedimosetso ya megala le leina la yo go ka ikgolaganngwang le ena di tlhagisiwe.

[20]**3.3****DITAELO/DIKAELO**

Ditaelo ke tshedimosetso ya botlhokwa e e tlhagisiwang pele go diragadiwa kana go diriwa tiro nngwe e e rileng.

Ditaelo di tlhagisa tshedimosetso mabapi le se se diriwang gore se diriwe leng, kae, jang/ Go kaela tsela ke tshedimosetso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya felo gongwe.

DITAELO/ DIKAELO	DINTLHA TSE DI SOLOFETSWENG
Motlhatlhojwa a kwale dikaelo tsa Covid-19 tse barutwana ba tshwanetseng go di latela.	• Motlhatlhojwa a ka bua ka didiriswa tse di matshwanedi. • Motlhatlhojwa a tlhagise ditsela tse di ka latelwang go efoga tshwaetso ya Covid-19. • Matlhatlhojwa a ka bua ka batho/ditheo tse o ka ikgolaganyang le tsona go bona tshedimosetso ka ga Covid-19.

Kaedi ya go tshwaya: Ditaelo/Dikaelo

- Molaetsa o tlamalale mo go se o se kopang.
- Go kwalwe dipolelo tse di bonolo le gone di nne dikhutshwane le go tlhaloganyega.
- Maitlomo a motlhatlhojwa a tlhagelele sentle.
- Diteng tsa ditaelo/dikaelo di bontshe gore ke tsa Covid - 19.
- Puo e nne bonolo le go tlhaloganyega.

[20]**PALOGOTLHE YA KAROLO YA C:****20****PALOGOTLHE YA TLHATLHOBO:****100**